



Broj: 10/E-11-4389/25
Sarajevo, ~~10-09-2025~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", br. 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj: 23/04), odredbi Pravilnika o provođenju zajedničke nabavke, centralizovane nabavke i uspostavljanju centralnog nabavnog organa („Službeni glasnik BiH”, broj 29/24), a u skladu sa odredbama Sporazuma o zajedničkom pokretanju javne nabavke za izvođenje radova na rekonstrukciji vodovodne mreže u ulici Hiseta, zaključen između KJKP „Vodovod i Kanalizacija” broj: 235/25 od 30.06.2025. godine i Općine Centar Sarajevo broj: 03-19-423/25 od 19.06.2025. godine, na prijedlog Komisije za provođenje zajedničkog postupka javne nabavke za izvođenje radova na rekonstrukciji distributivnog cjevovoda u ulici Hiseta, imenovana rješenjem Općinskog načelnika broj: 10-45-4389/25 od 15.07.2025. godine (u daljem tekstu: Komisija), u postupku javne nabavke za: **Izvođenje radova na rekonstrukciji distributivnog cjevovoda u ulici Hiseta**, provedenog putem otvorenog postupka, (Zapisnik o pregledu i ocjeni ponuda broj: 10/E-11-4389/25 od 08.09.2025. godine), Opštinski načelnik d o n o s i:

ODLUKU O IZBORU NAJPOVOLJNIJEG PONUĐAČA

- I** Prihvata se ponuda broj: 76-1.6.2-09/25 od 05.09.2025. godine ponuđača „**MIBRAL**” d.o.o. Sarajevo, ulica Srebrenička broj 1, 71000 Sarajevo, ID broj: 4200135830007, za izvođenje radova na rekonstrukciji distributivnog cjevovoda u ulici Hiseta, putem otvorenog postupka, u ukupnom iznosu **od 305.546,20 KM bez PDV-a, odnosno 357.489,06 KM sa PDV-om i rokom izvođenja radova – 50 (pedeset) kalendarskih dana.**
- II** Ugovor sa izabranim ponuđačem potpisat će KJKP „Vodovod i Kanalizacija” i Općina Centar Sarajevo, u skladu sa odredbama Sporazuma o zajedničkom pokretanju javne nabavke, kojim će regulisati međusobna prava i obaveze u vezi predmetne nabavke, shodno zahtjevima ugovornog organa i zakonskim propisima.
- III** Izabrani ponuđač je dokaze iz tačke 7.1. TD (Lična sposobnost), u skladu sa članom 45. Zakona o javnim nabavkama, dužan dostaviti najkasnije u roku od 5 (pet) dana od dana prijema ove Odluke na protokol ugovornog organa (originalne ili ovjerene kopije).
- IV** Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke u roku od 7 (sedam) dana, shodno članu 71. Zakona.
- V** Ova Odluka objavit će se na web-stranici Općine Centar, www.centar.ba, istovremeno s upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Postupak javne nabavke za izvođenje radova na rekonstrukciji distributivnog cjevovoda u ulici Hiseta, pokrenut je Odlukom Opštinskog načelnika o pokretanju postupka broj: 10/E-11-4389/25 od 10.07.2025. godine, putem otvorenog postupka, Obavještenje o nabavci broj: 848-1-3-101-3-188/25 objavljeno na Portalu javnih nabavki dana 14.08.2025 godine. Procijenjena vrijednost javne nabavke iznosi 326.486,38 KM bez PDV-a. U određenom roku za predaju ponuda – 05.09.2025. godine do 10,00 sati – dostavljena je 1 (jedna) ponuda ponuđača, kako slijedi:

1. „MIBRAL” d.o.o. Sarajevo

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristigle ponude, te nakon što je utvrđena urednost dostave ponude, pročitani su elementi „ekonomski najpovoljnije ponude“ (cijena 95% i rok izvođenja radova 5%), kako slijedi:

RB	PONUĐAČ	Ukupna cijena bez PDV-a	Popust	Ukupna cijena sa popustom i bez PDV-a	Rok izvođenja radova (kalendarski dan)
1.	MIBRAL d.o.o. Sarajevo	305.546,20	-	305.546,20	50

Komisija je dana 08.09.2025.godine izvršila detaljnu provjeru pristigle ponude u postupku javne nabavke, te konstatovala da je ponuda ponuđača MIBRAL d.o.o. Sarajevo uredna, bez računskih greški te kao takva prihvatljiva za dalji tok postupka.

Na osnovu izvršenog bodovanja prihvatljive ponude po osnovu dva potkriterija „ekonomski najpovoljnije ponude“ (cijena 95% i rok izvođenja radova 5%), primjenom odgovarajuće formule za obračun bodova sadržane u Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača, kako slijedi:

KRITERIJ „ekonomski najpovoljnija ponuda“	MIBRAL d.o.o. Sarajevo
Cijena 95%	$305.546,20 / 305.546,20 \times 95 = 95,00$
Rok izvođenja radova (kalendarski dani) 5 %	$50 / 50 \times 5 = 5,00$
UKUPNO	100,00

Rangiranje prihvatljivih ponuda prema kriteriju za izbor ponude „ekonomski najpovoljnija ponuda“ u skladu sa članom 64. stav 1. tačka a), sa potkriterijima:

1. Cijena 95%
2. Rok izvođenja radova 5%

RANG	PONUĐAČ	Broj bodova	Ukupna cijena ponude bez PDV-a	Rok izvođenja radova (kalendarski dan)
1.	MIBRAL d.o.o. Sarajevo	100,00	305.546,20	50

Komisija je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

ponuđača „**MIBRAL**“ d.o.o. Sarajevo, ulica Srebrenička broj 1,71000 Sarajevo, ponuda broj: 76-1.6.2-09/25 od 05.09.2025. godine za izvođenje radova na rekonstrukciji distributivnog cjevovoda u ulici Hiseta, u ukupnom iznosu **305.546,20 KM bez PDV-a, odnosno 357.489,06 KM sa PDV-om i rokom izvođenja radova – 50 (pedeset) kalendarskih dana.**

Nadalje, Opštinski načelnik u postupku ocjene nije našao razloge, niti nepravilnosti u radu Komisije koji bi eventualno bili osnov za neprihvatanje preporuke Komisije I, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema iste, shodno članu 101. Zakona. Naknada za pokretanje žalbenog postupka iznosi 5.250,00 KM u skladu sa članom 108. stav (1) tačka d) Zakona.

Žalba se podnosi u dovoljnom broju primjeraka, a koji ne može biti manji od 3 (tri). Uplatilac propisane naknade za pokretanje žalbenog postupka ugovornom organu kod kojeg pokreće žalbeni postupak u iznosu propisanim članom 108. ovog zakona, obavezno dostavlja ugovornom organu dokaz o uplati i kopiju bankovnog izvoda računa sa kojeg je izvršeno plaćanje.

Prilog: Zapisnik o pregledu i ocjeni ponuda
broj: 10/E-11-4389/25 od 08.09.2025.godine

Dostaviti:

1. „MIBRAL“ d.o.o. Sarajevo, Srebrenička broj 1, 71000 Sarajevo
3. KJKP „Vodovod i Kanalizacija“ d.o.o. Sarajevo, ulica Jaroslava Černija broj 8, 71000 Sarajevo
3. Kabinetu općinskog načelnika – Odsjeku za javne nabavke
4. Službi za stambene i komunalne poslove
5. Službi za finansije
6. U spis